

四庫全書

集部

欽定四庫全書

集部  
元風雅後集  
目錄  
卷二

詳校官通政使<sub>臣</sub>夢吉

助教<sub>臣</sub>常循覆勘

總校官庶吉士<sub>臣</sub>倉聖脉

校對官中書<sub>臣</sub>范來宗

謄錄監生<sub>臣</sub>龔果

欽定四庫全書

元風雅姓氏後集目錄

卷一

鄧善之

文原

盧彥威

巨

王繼學

士熙

王儀伯

結

馬昂夫

曹子貞  
元用

段惟德  
輔

李齊賢

張冰溪

錢雪界

段天祐  
吉甫

李兩山  
思衍

吳養浩  
善

祝直清 菴

上官伯圭

卷二

祝元美

周鈞山

李仲公 存

梁彥中 宜

夏誠中

王秋江

王虛白

蔡九思

張伯遠

立仁

龔楚清

黃伯玉

白仁壽

王子東

吳遜齋

文謙

蔡聖謨

康秋山

吳宜甫

文誼

方寒岩

楊原岩

姚江村

雲

方景山

鳳

卷三

薛宗海

漢

黃晉卿

晉

李坦之

道坦

范葯莊

晞文

胡石塘

長孺

戴祖禹

天錫

卷四



鄧牧心

倪元鎮

璜

陳剛中

字

李鶴田

珏

趙青山

文

歐陽伯恭

劉起潛

堦

吳正傳

師道

于介翁

石

卷五

王蘭思

朱本初

查廣居

居廣

田師孟

衍

黃君瑞

復圭

康里峻

子山

張天師

薛玄卿  
玄暉

張一無

黃松瀑  
石翁

于仲元

卷六

危太朴  
素

楊季子  
鑄

包泚川

淮

周德可

陳敬齋

舒元易

僉世南

王玄翰

浙

高況梅

張南皋

危琴樂

韓中村

况肩吾

遠

呂元卿

陳小庭

章養吾

許存我

劉恭叔

葉千林

葉天趣

卷七

虞伯生

集

吳宗師

全節

馬伯庸

祖常

高新甫

太玄天師

太乙子

夏紫清

歐陽玄

原功

揭曼碩

侯斯

王倫徒

王士點

謝草池

詹厚齋

程登庸

吳月灣

存

彭孟老

李進齋

晉

李綱齋

蔡

朱納山

虞伯生

集

詹厚齋



卷八

真山民

桂芳

江學庭

揭希韋

祐民

許伯昭

晉孫

謝南窓

升孫

黃朴齋

周老山

曾德厚

周梅邊

周溪邊

周慕溪

黃誠性

傅東郊

黃季羸

劉叔遠

熊澗谷

卷九

富珠哩

子暈

理伯容

甘恪

陳是若

劉孟暉

劉夢羲

張小山

可久

章伯亮

拜特穆爾

趙由儕

郭君彥

張明善

負怡然

卷十

楊信可

鄧德良

李宗冽

王尚志

東

徐天逸

施性初

卷十一

熊勿軒

錄

羅太瘦

雷

機

子樞

毛靜可

直方

陳以仁

陳野雲

潘心月

林德暘

景熙

趙芝室

羅梅我

劉草窓

張奎翁

李孟陽

徐雪坡

涂竹逸

卷十二

危希尹

李草窓

嚴春山

葉水村

袁安道

陳應江

王劍川

李蒙齋

簡

陳天霽



鄭溥

孫斗齋

劉南金

吳師道

正傳

欽定四庫全書

目錄

欽定四庫全書

元風雅後集卷一

元孫存吾編

鄧善之

贈墨士吳雪堂

永寧賜筆世安有易水良工今不傳了知膠漆用相得  
亦悟膏火明自煎昔從蒙莊觀副墨老歸芸閣窮太玄  
與子欲擬毛穎傳待我暇矣磨墨磚

盧彥威

送鄧善之提舉江浙十首

北門古深巖論思寄籌度自非鴻才世訓誥何猶作夫  
君出巴蜀文采動京洛十年掌絲綸擣藻揚景燦荆璞  
抱瑾瑜龍淵淬鋒鏑肯獻上林賦寧居天祿閣即今觀  
浙江眷戀晞金雀黃圖鬱紫氣絳節生碧落依然難為  
情清霜養飛藿

其二

春秋秉筆削凜若執玄鉞君獨抱遺經結髮飽剗劂明

剖是非心微探義理窟下視羣兒愚爭端王正月竭米  
奮直筆浩然心思絕王功與帝德照臨日月揭胡為厭  
詞林擬欲觀溟渤榮華若浮烟汗簡青不減

其三

詞林富聲華幾人得精悍悠悠三百年篇翰孰承續夫  
君清廟器裸薦盛主璜五就惜繁纓九游載雲罕依依  
風向翔忽忽月新滿冷然時雨晴篇章不可斷

其四

風雨妬芳華，狼莠深嘉谷。天地豈不仁，盛德稟命獨。明  
庭萃羣英，四門延穆穆。既卜渭水釣，又起傅岩築。聲華  
何爰業，衆輻輳。一轂鸞坡儼清韻，碩人歌在軸。願言往  
從之，星駕命宜宿。豈知彼玄鳥，戢翼辭雲屋。幸無素絲  
悲，庶免窮途哭。

其五

離離天星高，皓皓雲月光。候雁過楚澤，蟋蟀鳴中堂。天  
時諒難測，徒然多感傷。念子去意遠，沉憂結衷腸。憶昔

初奉歡露白春蘭芳清樽罷新製妙趣深濠梁飛景急  
西匿川流浩湯湯玄髮淒歲晚木脫天雨霜蔓草豈容  
惜松栢在高岡

其六

翰林與元子武庫森戈矛英聲邁千古逸韻橫九州與  
君契金蘭投分何綢繆清和謝夷惠典刑追韓歐坐令  
人文煥允塞昭王猷念君獨遠遊寥落行人愁未瘦楚  
山曉風淨寒江流何當駕飛車都宴崑崙丘塵埃滿腥

腐朝暮同蜉蝣

其七

暘谷上寒日影射扶桑  
枝瞬息及中天流光迅難持  
人生百年內昂昂何所施  
孤鴻東南征浮雲西北馳  
可憐萬感身會合須臾期  
安得弄明月皎皎遠憂疑  
折花芙蓉浦蕩漿江漢涯  
優游以卒歲身名良不墮

其八

游雲蒼鱗穹閭闔不可叫  
徒令虎豹關日月近輝耀  
濛濛



濛八表塵隱隱萬彙窳泯然一歸途伊誰執其要栖栖  
聖者徒禮樂懷窈緲閉門忍朝饑風雨深蓬蓼今年江  
海去光景短螢燭禾黍滿故墟閭巷餘返照揮絃送飛  
鴻古今一長嘯

其九

昔我適吳會日夕承歡顏高堂樂起舞綵服何端爛東  
潮洶波濤西湖翠烟鬟北歸餘十年謬跡通朝班家禍  
一朝集音容何可攀悲號蒼穹迥往事思日艱命窮時

亦迫志弱體自孱安得騰化術從君超人寰執手不忍  
訣臨風涕空漣

其十

我留君勿思君歸我當憶十年膠在漆一旦各異域吳  
江激微波震澤起暝色鷗鵬隔天地雁鷺雜南北念我  
平生友愴恨推胸臆獨看燕山雲歲暮日初晏永言長  
風翔情寄南飛翼

九月十日接駕回因遊香山寺飲于西崖之上

酒酣呈主人

迎鑿北去迷風沙看山西來走烟霞蒼山朝舍太古色  
長松百尺凌雲斜傑觀重樓炫金碧笑拍闌干倚天立  
出門却得望東山紅樹青林亂秋色痛飲崩崖吸鯨川  
徑欲醉倒秋風前但恨浮雲閉白日使我不得瞻青天  
忽忽今年負重九樹老山空復何有莫將身世愧淵明  
縱有黃花無此酒

奉賀李秋谷平章宿西郊

春生騎吏飛塵外便覺高情遠世紛酒泛香泉清易冽  
夢侵仙骨冷難曛珠生滄海還驚月鶴舞層霄不見雲  
無象太平今有象共欣良相遇明君

王繼學

參政東平人

送華山歸隱西湖

方士求仙入滄海十二城樓定何在金銅移盤露滿天  
琪樹離離人不采軒轅高拱聖明居羣仙真人左右趨  
青牛谷口迎紫氣白鶴洞中傳素書珊珊鳴珮星辰遠

寂寂珠庭雲霧虛脩髯如漆古仙子玉林芙蓉染衣水  
九關高塞不可留歸去江湖種蘭芷山頭宮殿風玲瓏  
玄孫飛來千尺松閒房誦經鐘磬响石壁題詩苔蘚封  
欲向君王乞祠祿安排杖履來相從

和馬伯庸見寄

二首

侍臣催講玉階西雲淨觚稜曉色低天闢神州半兩漢  
地連碣石轉三齊含香晝永閒青瑣視草堂深濕紫泥  
最憶東山老松樹秋風應有鶴來棲

長堤芳草遍灤河誰買扁舟繫樹槎金帳薰風生殿角  
畫樓晴霧宿簷阿萬年枝上烏啼早九奏階前鳳舞多  
供奉老來文采盡詩壇昨夜又投戈

送朱本初住玉隆

官河新柳雪初融仙客歸舟背楚鴻鐵杖晝開山似玉  
石樓人靜水如空煮茶榻畔延徐孺燒藥爐邊覓葛洪  
天上雲多白鶴去子規何事怨東風

王儀伯

和馬伯庸韻

金馬門東畫省西  
千官花覆曙光低  
九莖芝蓋雲衣合  
百石銅盤露顯齊  
鹿柵已營脩竹塢  
燕巢還補落花泥  
上林伏日金桃熟  
鸚鵡來時不敢棲

馬昂夫 達魯噶齊

送僧

遊遍匡廬紫翠峰  
片雲吹影浙江東  
曇花貝葉春三月  
布鞵青鞋山萬重  
禪性若灰終有味  
機鋒掣電本來空

問師此別知何處笑指天邊月正中

曹子貞 禮部尚書東平人

和趙子昂韻二首

灤水橋邊御道西酒旗閒掛夕陽低春從綠樹陰中老  
雲補蒼山闕處齊畫戟遙臨青瑣闥紫駟解惜錦障泥  
鸞皇自為明時出宜傍上林高處棲

柳簇金溝蘸碧波深貝闕瞰重坡鳳凰曲奏鈞天樂  
烏鷗橋通織女河萬井閭閻春浩蕩六街車馬曉坡陀



山人素有林泉興柰此承明侍從何

段惟德

參政河東人

登岳陽樓

羣江西來與天平天壤巨浸開洞庭雄吞三湘隘七澤  
中蟠萬古君山青我行持節按廣海驛騎暫駐巴陵城  
巴陵城樓冠天下風軒月戶雲霧屏平生夢想今始到  
危攔乍倚心魂驚初疑太極渾未判日月往復凌空明  
又疑此世墮物外弱水萬里環蓬瀛湖山得意有如此

况乃佳客聯簪纓金杯浮動玉色酒滿懷情思春雲生  
魚龍掀舞怒濤起眼花落日搖青冥軒皇廣樂渺遺响  
芳洲寶瑟愁湘靈丹丘謫仙竟何許幾欲八表追遐齡  
孤心未了忠孝願敢念綠髮潛凋零聖神一視無遠邇  
恩風化雨浹四溟尋常嘯聚犬豕爾瘴烟一洗霜天清  
歸鞭咫尺覲慈母細語八山水程孰能閉置若新婦  
正要磊落肝胆傾酒酣拂袖下樓去忽聽過雁雲邊聲

李齊賢

青州人

鳳不來韶九成臺作

鳳不來遼東海高臺已荒人未改當時別舜返崑丘如  
何一去三千載人間豈無青琅玕孤栖未必天霜寒致  
君堯舜我有術來儀好向宮庭前鳳兮鳳兮今當還

張冰溪

總管

贈醫士

秘方肘後愈沉疴  
診脉端能細叔和  
更效叔微積陰德  
不須種杏滿林多

錢雪界

萬戶

寄隱空兼東唐景仁

山間初別記時清  
笑我何痴老客情  
杜宇聲中思去就  
蝸牛角上寄輸贏  
久知世慮非常道  
每愧丹經未續盟  
容我簷前助薪水  
也將琴劍掛神京

段天祐

沂人

錢祝直清

慷慨豪談髮指冠  
讀書不作腐儒酸  
類宮文學多高弟

祖道詞章盡達官著述正宜登玉署敷陳長擬對金鑾  
朔雲燕樹三千里清夜思君嶺月圓

李兩山

禮部侍郎番禺人

粥孫謠

白頭老翁髮垂領牽孫與客摩孫頂翁年八十死無恤  
憐汝孩童困饑饉去年雖旱猶禾熟今年飛霜先殺菽  
去年饑饉猶一粥今年饑饉無餘粟客謝老翁將孫去  
淚下如絲不能語零丁老病惟一身獨卧茅簷夜深雨

夢回猶自誤呼孫縣吏催租更打門

元日

筓班玉立五雲階曾醉天家舞馬杯坐困庾樓分月久  
明從堯殿帶春來洪鈞暖入官橋柳金鼎香傳驛使梅  
爆竹一聲春夢曉沉香亭畔牡丹開

上雷御史

臺上棲烏顛曉寒朱簾雲靜楚天寬星芒搖動龍阿劍  
霜氣橫陳豸角冠苦透拍心風力勁清臨梅影雪痕乾

渾源聞有傳家譜夜露心香借易看

妙高臺

危亭新構客持觴雨泄攔杆面面涼烟外好山供水墨  
風前老樹奏笙簧接天淨綠秋江白着地形雲晚稻黃  
騷裏絲鞭歸興逸水晶宮殿桂花香

次韻單徒提舉

百蠻冠帶悉來庭九虎臨關萬雉城漢殿風馳十行詔  
唐蒲雷動衆軍聲海涵春育民膏澤雨施雲行天性情

聽得老癯扶杖語紫微垣畔泰階平

吳養浩

儒學教授上饒人

象山山長岳仲遠美仕

象山天下秀中有陸公祠聖道開千載皇天粲一儀垣  
墻空草樹禮貌見尊彛惟有岳山長三年今在茲

祝直清

儒學教授上饒人

和貫學士月氏王頭飲器歌

單于寶刀寒映雪月氏鬪髀飲寃血泥丸真人辭絳宮



麴生時能醉其骨閻氏夜帳蒲萄香拍

闕

春霞灑秋月

賢王起舞谷蠡歌傳勸歡呼兩耳熱燈前人影半闌殘  
燈後有燐已明滅持杯本為澆嶙峋胡為對此傷精魂  
弓蛇猶能致惑疾智瑤豈是無心人頭顱如許當速朽  
生擒誤入仇家手忍將鳴鏑射頭曼吁嗟降王爾胡有  
後來漢使洩水東猶待留犁澆盟酒

二畫

斷岸蒼烟喬木小橋野店村春一曲晚風樵唱倏然林

下相逢

疊嶂半空懸  
瀑平林隔岸  
層臺風雨一  
川烟浪扁舟  
何處歸來

上官伯圭

安仁人

上秦王巴延太師右丞相

今代麒麟第一功  
勳王師相錫秦封  
作為霖雨三農望  
旋轉乾坤萬國宗  
龍虎臺前春盎盎  
鳳凰池上日溶溶  
曳裾舊是王門客  
人侍金鑿八九重

く  
り  
り  
り  
り

元  
風  
雅

十三

元風雅後集卷一

欽定四庫全書

元風雅後集卷二

元孫存吾編

祝元美

上饒人

贄王從又御史

志士身未達端居若無為一朝立清要掃決浮雲披王  
君北方彥絢練丹鳳姿經綸有術業大節能素持青驄  
入南臺白東晨霜飛惟時摠六職百職不敢墮鷹鷂擊  
霄漢鴟獍安得窺苦心在庠序勉勵兼有遺春秋嚴大

祀禮數推毫釐温然載言笑匪怒伊教之青青歌子衿  
荒穢久不治明公欲振廢思又當兼施吾儒貴補報豈  
直分寸裨胡為往庶役猥吏令得欺以茲失生遂衣冠  
困塗泥何當復其徭庶使迴澆漓神駒一超越駕馬思  
驅馳芻蕘倘可問風俗期當移我生萬山中耕鑿甘自  
怡奈何苦隳突雞犬不得栖遂令布衣士何猶食山薇  
彈冠出岩壑逝拯斯民疲浩歌視行雲白日迴清輝明  
公一攬轡慷慨投茲時

周鈞山

訪劉須溪

西山一簾雨相對在溪邊  
取履今何代回頭恐是仙  
半生空四海一句可千年  
歸去龍須下桃花屋角烟

李仲公

安仁人

送洪教授

忠宣盛澤餘孫子分教如今在柳州  
此心初不異孔孟  
何俗莫可回商周  
玉堂金馬自茲始  
九疑三湘因得遊

蠻客舟車過如織安書時遣到贛州

題吳閑閑齊草堂

齊老齊老人齊老多少世人齊不老史家父母昔齊老  
吳家父母今齊老當年落筆山岳光三百餘年歸此堂  
秋塵如烟隔精彩白髮眼明猶再拜

梁彥中

儒學提舉

公餘

山郭蕭疎似野居公餘經史足相娛雨聲喧寂雲來往



嵐色沙深烟有無  
畏酒久閒頭上帽  
苦吟頻鑷鏡中鬚  
茅亭閒掩無人到  
卧聽風簷烏雀呼

春晝

溪水搖光動粉牆  
雲山倒影蘸吟觴  
一庭芳樹清陰薄  
千尺遊絲白日長  
風細柳塘鶯語滑  
泥融花徑燕飛忙  
乾坤俯仰窺難盡  
花柳無情種種香

龍門

天險誰非禹鑿功  
神靈闢此一何雄  
翠峰傍矗雙根峻

白浪中穿一闕通萬馬奔崩路南北六鰲纏繞日西東  
神局永壯三都勢迴壓峭函百二重

旅懷和孟昌道韻

幽蘭凝露泣如啼獨愛含香滿竹扉信口詩成寧見悞  
快心事過漸知非故山路遠音書少小院苔深好客稀  
誰慰荒寒一尊酒滿城風雨送春歸

夏城中

安仁人

元日

天門啟曙翠烟寒遙想新年聖體安  
蠻貊來朝脩貢職  
臣僚入覲集衣冠香浮蘭砌風初靜  
仗對薇垣露欲乾  
獻賦何年趨近密金閨通籍未應難

王秋江上饒人

次韻周君和

曩負終風拂老懷陽春那得一枝來  
睢雒不見周南化  
豹虎徒興王祭哀背冷極思簷外日  
耳聾難聽地中雷  
翻思飛雪清冷處二十年前共舉杯

秃筆

被褐深居未出林，摧殘豈信有如今。  
拔毛本欲利天下，秃鬢方知負此心。  
老死不歸刀吏守，平生常得近臣簪。  
斯文功在終難泯，月裡東君有好吟。

王虛白

上饒人

贈人

郡武王佩傅光甫之未有子也，病疫將死，妻何嚙指瀝血，請身代夫死，以延其嗣。翌日何

卒而光甫活今六十年其子好古遵治命遷  
何樞合葬

淋漓血指疾呼天一篆才通淚徹泉厲鬼有靈當兩活  
史書無愧可千年龍沉津水劍重合頭破秦庭璧自全  
勿謂彼蒼無老眼書香一脉一承傳

贈地理人

知君再世挾囊青我亦能知造化情好在主人方寸地  
渠家代代有公卿

蔡九思

上饒人

訪太玄天師

飛車擁蓋下三神  
曠視齊州九點塵  
黃石穀城千載意  
翠壺蓬島四時春  
嵩高海澗丹書遠  
地闢天開紫氣新  
見說桃花紅萬樹  
扁舟來問武陵津

雜興二首

鬱鬱桑與拓環圃  
俱淒淒采之樂  
蠶饑復見青滿枝  
曠疇稻田多種之  
恐遲遲蠶婦與老農  
何當一解眉芳春

各載酒蹀覩羣葩竒錦衣與稻粱辛苦元不知

鸞鵬與騏驥迹遠識者稀鶴鶴與鷓鴣或亦摩上飛和  
鳴相上下惜無養由基閉門思古人玩物真何為聖賢  
不我欺千載還相期

張伯遠

餞祝直清

朝餐徂林掾夕飲虎窟泉幽棲豈不逸于道為未全是  
以少微星含輝麗中天雲蘿謝招隱冠帶趨興賢魯生

贊制作商老安疑然董子述徵驗賈誼明經權盛德有  
遭逢志士無棄捐長貧若忘世一出垂千年折枚楚山  
阿賦詩江水邊寂寞思古人中懷為君宣

象山山長岳仲遠美任歸浙

石泉笙磬靜微聞百尺蒼松立在門道學宗風陸夫子  
故家遺澤岳王孫忠臣有後天心定治世無為聖教尊  
官序改遷從此上記曾師友涉淵源

龔楚清



送孟和卿平陽尋母

杜羔念母心最苦豈意一朝逢澤潞母驚兒貌似乃翁  
兒抱母啼淚如雨五十孺慕朱壽昌刺血寫經毛髮蒼  
間關同州晚相見迎侍親輿歸故鄉人生百年一彈指  
母恩未報情曷已團樂樽前舞綵衣大勝世間朱與紫  
子行萬里涉風沙誓不見母不還家兒今髮落母應老  
道傍觀者還咨嗟臨川孟氏號雍睦家世來此澶淵族  
婆娑老暮紫荆花料想春風依舊綠

黃伯玉

上饒人

相字

倉頡紛紜巧思傳多君巧外更玄玄萬形一理推無盡  
試究庖犧未畫前

白仁壽

上饒人

書事

太羹元無味大章本希音音繁八人耳味美適人心是  
以保身難惴惴如臨深百戰苟一失勇氣未足欽今若

不學古後何法于今

王子東 上饒人

採桑歌

翻雲烏鴉影鬢颭風白燕雙  
傴僂橫波凝流斂螾蛾  
吳蚕飼餒饑則那十織挽柔剪綠柯  
六幅暗露侵襦絢  
糞殮慕誤畧刻過蚕饑葉稀寧不瘥  
千頭萬緒豈敢叱  
終以暖事期絲純錦帷綉幌相婆娑  
人情好耕不厭多  
倚門刺紋來聽歌  
載青載黃胡側頗  
樹間耳語慎勿哦

萬一出口他人呵纂纂柔甚如鳩何

新春新月

舉頭見新月低頭過新年新年幾回新新月幾度圓鍊  
石屑寶功難全城能竊藥終孤眠夢中蝴蝶飛翩翩花  
草何意爭春妍憂杞之憂逐夸顛無情有情憐不憐長  
星不飲酒牽牛不服田東風解織千機錦要我來往在  
雨前

張洪崖神遊圖

洪崖即果老唐玄宗以玉真妃故洪崖去之  
往來長安騎白驃名白雲攜五童以酒瓢詩

卷書囊隨之

開元天子舊相知一笑曾緣降玉妃  
囊括無言玄自得瓢虛有酒醉同歸  
晚山殘夢清塵遠春圃靈苗白雪肥  
回首長安西日外神遊何處片雲飛

和胡梅復白鷗

若為見月倍思家偶意名禽起句華  
拂羽增明聯綺袂

綴冠合紉感嬌花朝尋暖草雲連谷夜擁寒坡雪載沙  
只與鶴琴清作伴可能無夢繞烟霞

中秋

青天化作白玉盤捧出七寶玻璃觴姮娥起舞太白醉  
如此風流胡可忘北斗酌取瓊河漿秋風製就芙蓉裳  
龍吟泓下虎嘯壑誰能着耳聽啼螿

吳遜齋

龍溪縣尹

戊寅雪後和謝提舉韻

鋪城正月雪初霽  
騰得官閒吟嘯中  
萬國山河開壽域  
九霄風日播春融  
竹依栢樹增新翠  
梅與桃花間小紅  
王化盡無偏黨處  
故教冷暖搃相同

新創暖閣謝小山韻

未學淵明去惟賢  
康節多人生貴真  
正物育在中和待  
闕聽常選隨流  
創小窩靜心無  
個事得趣付  
賡歌

蔡聖謨

呈鄧善之巡遊江東道

白日千年天有定青冥萬里月無聲  
相期遠大崇明德力贊雍熙答聖明

答方漢杰

雲舒黃道日光輝遺逸山林固未宜  
每歎劉蕡文字美獨憐徐樂聘書遲  
艱難適足成吾事叢脞何能喪自期  
北極去天無咫尺滄溟到海有枝岐

康秋山

留別



撥灰好共話冬蘭莫歎無魚缺便彈更為梅花留半日  
勝如別後寄來看

吳宜甫

文箱

內齋一所顏曰養正翰林學士虞邵菴先生作  
記賦詩一首旦夕自警

養正深期德日新詩書萬卷友前人自脩已是工程定  
熟讀方知意味真豹尚隱時文欲澤蠖于屈處義求伸  
龜山岼岼千年在道脉綿綿一氣春

外齋一所顏曰學思學進士張在中州判作  
記賦詩一首

五典三綱與四維  
鳶飛魚躍貴真知  
霜前攬實甘回味  
雪裡梅花不受緇  
家在先儒文獻里  
生逢天子聖明時  
惕然起立晴窓下  
題作學思學詩

方寒岩

別館

別館數孤蹟無聊  
謾坐窮長年人事外  
永夕客懷中無

酒睡難着有詩貧不同衾寒起附火挑撥幾星紅

揚原岩

九日過大勝關宿黃陂小飲

瘦藤高樹鬱荒寒細路懸崖重險艱征戰幾何飲白骨  
鄉關如此隔青山驛亭帶暝人爭聚澤國經秋雁自還  
滿目黃花一盃酒人生何地不開顏

姚江村

大愚寺即事


金史卷之二  
卷二  
雷公逐龍度松了急雨橫穿日脚斜開戶不知渠水滿  
一時浸到玉簪花

方景山

雜詠十首

反哺烏曰慈食母泉名惡如烏莫如泉人心當自覺  
馬舞睨祿山猴朝識朱温人豈不若獸變故轍負恩  
鷗鵬奮雲霄尺鷃棲野草物各適其天夫豈論大小  
蜂房開戶牖蟻穴有官守究竟物皆然夢幻君知否

小哉蠻觸戰鄙甚蛙蠅怒達人能大觀本以和平故  
瑞世鳳鳴陽司晨鷄鳴且啾啾取人憎亂蟬合緘口  
蠶繭每利人蛛網偏害物利害夏不同其間僅絲忽  
猿啼不窺窓牛馴常露地伏虎與降龍此理元無二  
解牛中肯綮相馬外驪黃從知得三昧意到形自忘  
蟻封罅隙地蛙井咫尺天那能致廣大此道誰為傳



元風雅後集卷二

欽定四庫全書

集部

元風雅後集卷

三五

詳校官通政使<sub>臣</sub>夢吉

助教<sub>臣</sub>常循覆勘

總校官庶吉士<sub>臣</sub>倉聖脉

校對官中書<sub>臣</sub>范來宗

謄錄監生<sub>臣</sub>龔果

欽定四庫全書

元風雅後集卷三

元 孫存吾 編

薛宗海

國子助教

閒閒真人生朝

天正子月一陽回春入環樞已放梅壽酒淋漓傾九醞  
仙階縹緲接三台函關昔日青牛渡華表他年白鶴來  
更向何方覓鰲島帝垣東畔是蓬萊

送馬伯庸南祀崧恒淮瀆



總章盛金德齊明赫當宁皇皇遣天使肅肅承聖語三  
薰禮岳瀆萬里涉梁楚祝釐歸堯舜降神出中甫南斗  
迎文星西風起儀羽樂張洞庭月旆濕湘岸雨壯吟鄙  
騷怨高馳洗塵腐過家猿鶴喜攬轡鴻雁聚青闥閔賢  
勞黃屋深記注歸騎慎勿徐席虛玉堂署

都城曉起和張漢杰韻

扶桑日射蓬萊頂下視瑤都森萬井金門未啟曙光寒  
月落觚稜微有影枕上遊士夢未回喔喔鄰雞為呼醒

知君曉約穀城翁再擬銘功漢鐘鼎杏村天近易為春  
莫厭西齋官獨冷

題劉理之木石

木石山人枕溪曲盡日看山如不足一朝木石真到眼  
昔者寓言今實錄何年老插生長空山中枯根入地蟠  
蛟龍嵌竇玲瓏削蒼壁宛如當年蘇老之三峰浪齧沙  
沿歲時久豈知竟落漁人手漁人好飲君好竒馱入君  
家博升斗君不見嗜石相國李與牛不惜千金購羅搜

豈知山人奄有一丘壑只費平原五督郵

盤車圖

車亨亨石徑犖确輪欲推疲牛分寸挽莫前前車後車  
相逐來大府城門倚天開羣山雪深白皚皚卒夫鞭牛  
凍墮指轉輸號令如風雷官中委積等塵土黔黎膏血  
無復回君不見明時屢散粟與帛挑抹之牛亦悠哉不  
知何代畫此景我自一見令心哀

和鄭應奉雜詩六首

茫茫穹壤間環溪大州九壯遊不及辰坐待迫蒲柳窮  
通付分定達識當順受但願薰風詩在在民物阜一瓢  
安菽水吾計亦良厚

當年東山翁笑傲聊永日弓旌一朝下萬里赴星驛回  
頭故山友十見秋栢實我我東觀中大書黑如漆想見  
日暮歸沙輕馬蹄疾

淳風散已久青黃陋窪樽婉孌爭媚好後智空自昏豈  
知葛天民無言道彌敦我有白雲操泠泠寄桐孫調古

識者寡幽探萬化源

驅車涉遠道日晏不知疲一見嵩華高始覺培塿卑吾  
道麗天壤昭昭匪難知千金買刀圭但為方士欺羸糧  
往問道去結汗漫期

志士方盛時危冠怒冲髮猛心石為開壯氣山可拔安  
知橫江鯨中路螻蟻狎所以巢居子商歌竟不輟歌竟  
寂無言坐聽天籟發

宦遊夢入槐宴坐肘生柳出處亦何常臨歧一分手光

陰不可玩歲月坂丸走軒裳百年間竹帛千載後永願  
堅素心舊學安敢負

夜歸

有客有客胡未歸長安三見秋葉飛警霜老鶴夜不寐  
弔月孤雁寒無依紛紛北里厭梁肉落落西山甘蕨薇  
人生窮達各有命何須終夜泣牛衣

畫馬

世上駑駘眩凡目祇今誰識馬中龍昂頭振鬣長鳴處

似向秋風訴未逢

九月晦日

九月晦日終夜雨酒醒無處着閒愁起聞更張有明詔  
實與萬國同戚休

今年年豐穀差賤白米應饑弱桑夫飛蝗是處有遺孽  
未審臘前能雪無

黃晉卿

同知

晉卞將軍墓

江左失其御強臣布中區歡娛一以乖狂獠無趙趙黃  
屋播草野彤庭交劍及事樞始誰秉捧首如奔狐偉茲  
百世士死與二子俱孤忠耿未味足以孚豚魚義旗果  
東指白日開天衢孰最撥亂功之人或其徒伊昔大雅  
廢語言鄙文儒未泰已橫委衣冠尚舒徐屹然見砥柱  
獨障狂瀾趨大節固如此捐金乃其餘青簡煥遺烈蒼  
榛閉幽墟日夕悲吹多天高年運徂世方用骯髒猶將  
塊玄虛江濤渺在望雪涕空漣洳



送俞美之判官暨陽

苧蘿山前碧溪水花顏玉貌今誰是祇見操觚道上兒  
骨束枯柴髮垂耳周家忠厚及草木忍令赤地連千里  
夜飛尺一遣縱屏想見春風下車始憶昔君侯年少初  
力全季母甘捐軀麻鞋上殿衣見肘歸來束帶懸銀魚  
頗聞爾曹久待哺斃斃萬目同昨盱晨殮秣馬赴所主  
擊鮮上冢無躊躇念君自是醫國手看活羣兒如活母  
平生本草閱已熟野葛山榆尚何取若為箋天乞借材

畫踏東土歸仁壽鄙夫不用歎畝憂但為作歌貽不朽  
金陵懷古

五雲零落渺天涯陳迹蒼茫日自斜畫角已吹邊塞曲  
紅藍新長內園花可憐遺老埋黃壤曾倚春風望翠華  
好在北山猿與鶴依然同住舊烟霞

偶成

歷歷謀營度眼明獨堵高枕數殘更薄遊已倦新彈缺  
舊業猶餘未棄繁一雨近晴初月色兩虫專夜故秋聲

情知三十非年少已覺人間有後生

陪仇先生登石頭城

談笑逢諸葛登臨失故亭薄遊成汗漫高步覺吟江  
近通淮碧山遙入楚青平生一盃酒及此憇飄零

有感

橘柚青黃照眼垂秋風籬落自紛披頗聞玉食登蠻果  
不獨涪州有荔枝

劉蕢祠堂

劉君古遺直祠堂在邱園嗟此豪傑窟文雄歛孤騫平  
生二三策匪傲明主恩瑣瑣談失得無乃市井言憑高  
一長望苦厭車馬喧微風過踈雨青山滿前軒陰晴歛  
異態浮雲實無根悠悠千載心去去無復論

居庸關

連山東北趨中斷忽如鑿萬古爭一門天險不可薄聖  
人大無外善閉非捷鑰車行已方軌關吏迭擊拆居民  
動成市廬井互聯絡幽龕白雲聚石磴清泉落地雖臨

金史卷之三  
卷三  
要衝俗乃近溥朴政須記桃源不必銘劍閣僕夫踈謂  
我無為久淹泊山川豈不好但恐風雨惡

榆林

崇崇道旁土云是古長城却尋長城窟飲馬水不腥斯  
人亦何幸生時屬林明向來邊陲地今見風塵清黍黍  
被行路牛羊散郊坰儒臣忝載筆帝力猗難名

搶竿嶺

憶昔賜第歸吾母適初度蹉跎歲年晚今辰在中路居

人誇具慶游子慙叱馭茲山稱最高揚鞭入烟霧轟轟  
多峭峰蒙蒙饒雜樹崎嶇共攀援踣躑頻返顧陳情未  
成表登高詎能賦獨憐桑乾水遠向虛溝去

李老谷

綠崖一徑微入谷雙崦窄密林日易曛况乃雲雨積行  
人望烟火客舍依山色家僮為張燈野老煩避席未覺  
風俗殊祗驚關河隔巖程不可緩子規勿勸客

赤城

雞鳴秣吾馬晚飯山中行何以慰旅懷赤城有嘉名灘  
長石齒齒細樹風泠泠時見岩壁間粲若丹沙明溫泉  
發其陽撫訶勤百靈前峰指金閣真境標珠庭白道人  
跡稀青厓雲氣生信美無少留緬馬起予情

龍門

踈身望龍門緩轡何兀兀溪迴愁屢度雨橫驚暴溢兩  
厓儼相向百水怒爭出人言馬上郎快意每多失自非  
渥洼種不得矜健疾飄飄蟻蝨臣凜凜鼉鬪窟皇靈重

覆冒利涉用終吉迴眺向所經千障隱朝日青林外盤  
紆黃流中蕩滴後來未渠央君子宜戰栗

獨石

解鞍及亭午稍欣烟霧收蒼然衆山出歷歷如雕鏐前  
瞻一石獨靈宮居上頭頗聞去年夏水激龍騰湫走避  
登屋山半夜齊呀咻幸茲溪澗中今作清淺流晏安不  
可懷變化誠難求翠華渺在望行矣無淹留

李陵臺



日暮官道邊，上室容小憇。漢將安在哉，荒臺猶彷彿。低  
徊為之久，懷古增歎歔。長風吹曠野，飛雨千里至。蕭條  
蒼山根，草木餘爽氣。嘗憐司馬公子集，多深意。奏對實  
至情，論錄存大義。史臣司徒作遺則，敢失墜。

上都分院

晨興過桓州，旭日生蒼涼。舉頭見觚稜，金碧何巍煌。洪  
河貫其前，青山環四旁。莫從玉堂署，鰲峰屹中央。井階  
對閣老，官燭分餘光。琴冊森在側，談笑來清觴。在列無

所為陳詩詠黃唐帝鄉豈不樂父母不得將起視雲漢  
低垂星爛寒芒南飛有冥鴻邈哉天際翔

擔子窪

自從始出關數日走崖谷迢迢度偏崩險盡平水陸坡  
陀皆土山高下紛起伏連天暗豐草不復見林木行人  
烟際來牛羊雨中牧颯然衣裳單咫尺異寒燠此立方  
有懷相逢乃問俗畏途宜疾驅更傍灤河宿

金陵送人歸豫章

已覺栖遲懶曳裾可能為我強踟躕  
一帆秋色紅塵外  
千里江關白雁初建業水清誰共飲  
潯陽潮斷定無書  
黃金未盡龍顏在莫種桃花學隱居

李坦之

紈扇行

誰家玉貌蒙清霏手揮紈扇臨東池  
瀟湘搖波月弄影  
碧波疑見湘江妃淚痕竹上猶未減  
一尺冰紈萬愁結  
風吹翠袖卷寒烟汗入紅肌凝素雪  
深閨無人涼氣早

輕薄恩情易衰老昔隨蝴蝶上春衣  
今逐流螢向秋草  
不見班姬染翰時空遺漢宮題扇詩  
千年怨墨已流落  
一天霜露沾人衣

高將軍白鷓歌

淮西猛士高將軍新獲驍禽被涼素調之弗顧情未狎  
跨馬臂出城東去征鴻作字雲邊斜聳身直上誰能遮  
天寒日暮望不見北風萬里吹瑤花雲飛忽斷鴻飛却  
短草長烟際沙漠但餘孤色搖清秋未許纖毫來碧落

歸來珍衛不解鞬親手餵肉供饑喉英雄遇合固有分  
可惜驚塵俱白頭

姑蘇臺

吳王宴罷歌臺晚斜日晴江映闌檻臺上西施醉捧心  
江邊東越愁嘗膽鴟夷裹尸去不還麋鹿散迹遊其間  
秋深明月照高樹驚烏夜落丹楓寒功名獨羨陶朱子  
一葉扁舟弄雲水

范葯莊

杭州人

燕山聞鶉

燕山三月初三夜聽得啼鶉第一聲同是小樓孤燭下  
主人熟睡客心驚

胡石塘

永康人

題崔錄事女真驄馬圖

天恩洽騎十二閑短策不知行路難漠漠空川望不盡  
電光掣過須臾間蹄高高屈汙溝出駿骨隱隱隆于山  
窟泉沙草不得足勞力食薄心知慚十年甕牖間書瑟

展卷見圖真太息女真年少面如盤  
華屋平生隔風日  
青驄肉破擁尻睢黃金校具褒綏拂三品  
芻豆空自多  
行見火花繞銅歷

題秋江喚渡

道傍木葉如渥丹歸急不知行路難  
青嶂碧溪自喚渡  
蹇驢破帽秋風寒裹頭長須甚德色  
肩輕不借有餘力  
人間塵土深復深謹勿重賦招隱吟

贈相士黃電目

憶昔待詔金馬門方伎雜選車蓋繁黃生蔡子最絕出  
高堂不奈笙歌謚廬陵老翁才五尺盱母江頭眼空碧  
相人豈不二子如秋風夜雨歸無宅長身博士老一簞  
臯比那博儒生酸人生榮華無足夢挑笙竹枕長闌干  
黃翁勿歎無家苦華屋連雲更何補蜀莊一日不百錢  
炳炳幽光二千年

題風雨漁舟圖

細柳新蒲春已滿飄風急雨亂如顛漁人若解忘魚意



繫却扁舟卧碧烟

戴祖禹

越人

天馬圖歌

月支天馬難再得誰向名家貌真蹟駿毛皎潔骨肉勻  
綠駢駢駟敢同色當得超逸真絕倫皎如玉龍下天門  
朝馳駿坂飛匹練莫浴深淵浮赤雲四蹄飽踏咸陽月  
滿身猶帶燕山雪只愁玄霧閔神姿未許清塵汗汗血  
飄然却立精神聚想見落筆驚風雨他年聞匣君勿驚

照室神光夜飛去



元風雅後集卷三

欽定四庫全書

元風雅後集卷四

元 孫存吾 編

鄧牧心

杭州人

贈友人

我在越君在吳攜書邀我游西湖我還吳君適越遙隔  
三江共明月明月可望佳人參差與君攜手西湖上相  
思空誦停雲詩知君去掃嚴陵墓祇把清樽酌黃土浮  
雲茫茫江水深感慨空勞弔今古孤山山下見陳實連

騎東來踏春色湖邊千樹花正繁莫待春風吹雪白有  
酒如澆有肉如陵鼓趙琴彈秦箏與君長醉不用醒何  
必千秋萬歲名

倪元鎮

蘇州人

聽袁子方彈琴

蕙帳凝夕清高堂流月明芳琴發綺席列坐散煩聲迴  
翔別鵠意縹緲孤鷺鳴一寫冰霜操掩抑寄餘情

與張貞居雲林館燕集分韻得春字

青苔網庭除曠然無俗情  
依微樵路接曲密農圃隣  
鳴禽已變夏踈花尚駐  
春坐對盈樽酒欣從心所親

春日雲林齋居

臨池春流駛掃地夕陰滿  
正襟味道言迢遙坐溪館  
嵐嶺當書榻煩襟一舒散  
靡靡松華黃逐逐雲氣暖  
石梁青苔合于馬合跡斷  
故非與世疏冥捷逐志返

寄懷鄭徵士

谷口子真今最賢  
久別鬱鬱夢相牽  
好營林田多釀酒

欲買茅屋尚無錢  
兄病每書餘藥券  
客來惟候煮茶烟  
闔閭城東有艇子  
憶爾青燈相對眠

送別甘允從一首

來尋墨沼雲林下  
共愛女蘿緣石床  
喚人鸚鵡語猶澁  
當戶枇杷子半黃  
奉橘定應題百顆  
籠鵝即可寫千行  
蘭亭書法人間少  
好去山陰汎野舡

奉懷張外史

陰壑恹恹綠苔生  
碧雲亭亭多遠情  
松杉鶴去轉蕭瑟

洲渚花落自縱橫從君下榻住十日着我鼓枻出層城  
洞口菌巢無恙否定應閉閣著書成

次韻薩天錫寄張外史

谷口路微山木合溫衣空翠不曾晴饑猿攀檻為人立  
寒犬號林如豹聲小閣秋深聽雨卧長空日出采芝行  
道心得失已無夢沐髮朝真候五更

陳剛中

天台人

中書太丞相安公延說四書因以書呈之



帶礪家聲耀八寰中書獨壓紫薇班捧持日月祥雲上  
洗滌山河湛露間綠竹正歌淇澳美赤松聊伴穀城閒  
聖門別有經綸事更對青燈話孔顏

交趾使還

少年偶此請長纓命落南州一羽輕萬里上林無雁到  
三更函谷有雞鳴金戈影裏丹心苦銅鼓聲中白髮生  
已喜歸來身健在夢回猶覺瘴魂驚

出承天門

又騎官馬過中原袖有芝泥詔墨痕  
嶺海孤臣天咫尺  
五雲回首是都門

開平即事

天開地闢帝王州河朔風雲拱上游  
雕影遠盤青海月  
雁聲斜度黑山秋  
龍岡上繞三千陌  
月殿香飄十二樓  
莫笑青衫窮太史御爐曾見袞龍浮

金陵

六代帝王州寒烟滿石頭  
星河天北轉江漢水東流  
步

絕金蓮雨歌殘玉樹秋白頭有漁者猶說景陽樓

鄂渚晚眺

黃鶴樓前木葉黃白雲飛盡雁茫茫  
櫓聲搖月歸巫峽  
燈影隨潮過漢陽  
庾令有塵汗簡冊  
禰生無土蓋文章  
闌干只有當年柳  
留與行人記武昌

鳳凰臺

鳳凰臺上野烏啼  
笳鼓連雲日又西  
天地無情潮寂寞  
英雄有恨黍高低  
殘桁夜雨迷朱雀  
荒塚秋風怨白雞

空有斷碑蒼蘚裏  
千年留得謫仙題

銅雀臺

古臺百尺生野蒿  
昔誰築此當塗高  
上有三千金步搖  
滿陵松栢圍鳳綃  
西飛燕子東伯勞  
塵閭泉下路迢迢  
龍帳銀箏紫檀槽  
怨入漳河翻夜濤  
人生過眼草上露  
白骨何由見歌舞  
獨不念漢家長陵  
一抔土玉匣珠襦  
鎖秋雨

吳宮子夜歌

紫貝樓闌鬱金香暖雲七十紅鴛鴦玉蟬笑擁霞綃裳  
星河不墮宮漏長綠樽灑灑麟髓泣霜重花寒秋不濕  
歛歌一聲起雪濤海龍夾陛如人立誰知淺嘯蛾半掃  
中有殘螢滿愁沼越兵曉踏西風來碧波一夜芙蓉老

居庸關

車稜稜石确确車聲彭彭關石角馬蹄蹴石石欲落不  
知何年鬼斧鑿僅與青天通一握上有藤束萬仞之厓  
下有泉噴千仞之壑太行羊腸蜀劍閣身熱頭痛懸度

索一夫當關萬夫却未必有此竒嶽  
崿吾皇神聖混地絡烽火不紅  
停夜折但有地險今猶昨我扶  
瘦筇息倦脚欲叩往事雲漠漠  
平沙風起鳴凍雀

神州八景

太液秋風

一鏡拭開秋萬頃碧天倒浸琉璃影  
寒飈夜捲雪波去貝闕珠宮黛光冷  
三千歌掉搖綠烟濕鬢吹墮黃金蟬  
琪樹颼颼紅鯉躍袞龍正宴瑤池仙

瓊島春陰

一峰亭亭湧寒玉  
露花不墜瑤草綠  
珠樓千尺星漢間  
天風吹下笙韶曲  
萬年枝上擗葉滿  
小鸞依依遶龍管  
金根曉御翠華來  
三十六宮碧雲暖

居庸疊翠

斷崖萬仞如削鐵  
鳥飛不度蒼石裂  
嵯岬枯木無碧柯  
六月太陰花急雪  
寒沙茫茫出關道  
駱駝夜吼黃雲老  
征雁一聲起長空  
風吹草低山月小

金臺夕照

危坡十二青雲梯老樹偃伏猶躬圭長裾已曳星辰去  
殘陽猶掛盧溝西召南六百年宗社一日黃金重天下  
精纏寶氣夜不收又見斷霞明朔野

盧溝曉月

長橋彎彎飲海鯨河水不濺冰崢嶸遠雞數聲燈火杳  
殘蟾猶映長庚橫道上征車鐸聲急霜花如錢馬鬣濕  
忽驚沙際金影搖白鷗飛下黃蘆立



西山晴雪

凍雀無聲庭檜響  
冰花洒簷大如掌  
平明起視岩壑間  
挿天瓊瑤一千丈  
夕陽微漏光嵯峨  
倚闌更覺爽氣多  
雲間落葉有徑否  
想見樵叟猶青簑

玉泉垂虹

靈波碧擁千崖高  
落花點點浮寒瑤  
日斜忽有五彩氣  
飛上太空橫作橋  
古寺殘鐘塔鈴語  
回首前村猶急雨  
輕綃欲剪一幅秋  
又逐西風過南浦

薊門急雨

黑雲如鴉漲川谷雷踴電躍風折木半天萬點捲海來  
森森映地如銀竹鳳城無數笙歌樓珠簾半捲西山秋  
誰知羈客家萬里一燈正擁寒衾愁

李鶴田

廬陵人

雪中寄友

石角雲層道路難墨風三日晝漫漫吟筇直指西湖柳  
合與梅花共此寒

趙青山

廬陵人

銅雀臺

朝望西陵墓夕望西陵墓望望不復歸月朝人十五月  
朝十五可奈何更對空幃作歌舞銅雀昂然飛不去當  
時美人髮垂素我生不如陵上樹年年樹根穿入土

歐陽伯恭

廬陵人

題蘇李泣別圖

祈連山前箭如雨渤海海邊甦不乳同是肝腸十九年

白髮君歸朝故主臣心有血一斗許亦欲隨君歸擊鼓  
五千健兒五千母臣若獨歸魂魄苦空將老淚寄君處  
歸拜茂陵坟上土

劉起潛

送黃脩永之武夷杜清碧學

眼中塵中政昏昏華蓋風高翠入雲一代風流超晉宋  
百年禮樂寄河汾波寬好看魚龍化天遠空憐雁鷺群  
亦有平生觀海意出門萬里獨慚君

鶴

延頸池邊照影池花明柳淨思依依年深色重丹砂頂  
日暖光浮白雪衣晴月夢回三鳥去看雲思上九霄飛  
玉簫聲斷秋宵冷應有仙人憶未歸

燕

萬里來從海外村定巢時聽語頻頻簾風半捲重門曉  
社雨初晴二月春尾上繫詩成往事掌中學舞是前身  
華堂茅屋依然坐幾處相逢舊主人

吳正傳

秋懷

江南木葉飛江北百草黃  
風烟淡莽蒼悵望川途長  
寒魚聚其群鴻雁忽成行  
俯仰念時物索居耿淒涼  
昔我二三友敦好攻文章  
漂零轉相失尺素不得將  
人生四方志企爾揚聲光  
登山豈無車涉河亦有航  
真誠諒不隔離別庸何傷

赤壁圖

草荒殘壘怒濤秋遙想英雄淚自流風火千年消伯氣  
江山一幅掛清愁丈夫不學曹孟德生子當如孫仲謀  
機會不來形勝在狂歌弔古漫悠悠

送陳生北上

萬里長風入馬蹄江干舊隱掩閒扉乾坤清氣隨詩卷  
官塞征塵上客衣日落太行孤鳥沒天高燕闕五雲飛  
提攜喜有王維在回首南山莫便歸

于介翁

感古引

孔明梁父吟深不滿于齊相嗚呼天若祚漢  
孔明不死天下事未可知吾于此重不滿焉  
建安天下如潰瓜一榻之外非吾家黃屋飄颻定何許  
龍為魚兮鼠為虎老瞞詐力敢欺天朶頤羊鼎方垂涎  
紫髯將軍一據臂控荆引越三千里慷慨山東大耳兒  
南飛烏鵲棲無枝草廬一語君臣契目中久矣無吳魏  
堂堂大義凜不磨靈關劍閣爭嵯峨昨夜西南一星落



六尺之孤竟誰托  
渭水旌旗歸故都  
江上空存八陣圖  
抱膝長歌出師表  
古栢蒼蒼為誰老

元風雅後集卷四